



REPUBLIKA E SHQIPËRISË

INSTITUTI I STATISTIKAVE

DREJTORIA E PËRGJITHSHME E  
SHËRBIMEVE TË TRANSPORTIT RRUGOR

Nr. 140 / Prot

Tiranë, më 11.12.2019

Nr. 23184 / Prot

Tiranë, më 17.12.2019

**MARRËVESHJE “PËR NDRYSHIMIN E MEMORANDUMIT TË MIRËKUPTIMIT  
NDËRMJET INSTAT DHE DPSHTRR”**

Ndërmjet

**INSTITUTIT TË STATISTIKAVE**  
në vijim referuar si “INSTAT”

dhe

**DREJTORISË SË PËRGJITHSHME TË SHËRBIMEVE TË TRANSPORTIT RRUGOR**  
Në vijim referuar si “DPSHTRR”

Mbështetur në Ligjin nr. 17/2018 “Për statistikat zyrtare” si dhe duke patur parasysh vullnetin për bashkëpunimin e ndërsjellë, Palët bien dakord të kryejnë shtesat dhe ndryshimet në Memorandumin e Mirëkuptimit si vijon:

1. Në të gjithë përmbajtjen e memorandumit “Ligji nr. 9180, datë 05.02.2004 “Për statistikat zyrtare”, i ndryshuar” zëvendësohet me “Ligji nr. 17/2018 “Për statistikat zyrtare”.

2. Preambula e Memorandumit zëvendësohet me këtë përmbajtje:

- Instituti i Statistikave (në vijim referuar “INSTAT”) është institucioni përgjegjës për të siguruar që statistikat janë zhvilluar, prodhuar dhe shpërndarë sipas parimeve të parashikuara në nenet 4 dhe 5 të Ligjit nr. 17/2018 “Për statistikat zyrtare”, i ndryshuar (në vijim referuar “Ligji i statistikave);
- Neni 13, pika 2 (ë) e ligjit të statistikave parashikon që INSTAT mund të hartojë, negocijë e të nënshkruajë memorandume mirëkuptimi me të gjitha agjencitë statistikore dhe me mbajtësit e të dhënave administrative, duke përfshirë organizimet e punës dhe detyrimet e palëve;



REPUBLIKA E SHQIPËRISË

- Neni 13, pika 1 (ç) e ligjit të statistikave INSTAT duhet të marrë pjesë në proceset e krijimit dhe zhvillimit të sistemeve të të dhënave administrative, për tu përdorur për qëllime statistikore;
- Neni 25, pika 8 e ligjit të statistikave detyron të gjitha institucionet publike të njoftojnë INSTAT-in për çdo projektakt të propozuar për miratim në Këshillin e Ministrave apo Kuvënd, i cili ndikon në mënyrë të drejtpërdrejtë ose të tërthortë në veprimtarinë statistikore që ushtrohet në Republikën e Shqipërisë;
- Neni 33, pikat 1 e ligjit të statistikave parashikon që të gjitha institucionet qendrore dhe vendore i japin INSTAT-it të drejtën e hyrjes pa pagesë në regjistrat, skedarët e të dhënave dhe të dhënat e mbledhura, të përpunuara dhe të ruajtura, sipas përgjegjësive përkatëse, në masën që është e nevojshme për nxjerrjen e statistikave, duke shmangur ngarkesat në përgjigje për njësitë statistikore;
- Neni 33, pikat 2 e ligjit të statistikave detyron institucionet publike të informojnë INSTAT-in për krijimin e çdo dokumentacioni të ri me të dhëna administrative apo për ndryshimin e atyre ekzistuese;
- Neni 31 i ligjit të statistikave detyron INSTAT-in të trajtojë si konfidenciale çdo të dhënë të mbledhur, përpunuar dhe ruajtur për nxjerrjen e statistikave zyrtare;
- Neni 40, pika 1 e ligjit të statistikave parashikon që ky ligj prevalon ndaj çdo dispozite të parashikuar në ligje të tjera, në bazë të të cilave ushtrojnë veprimtarinë institucionet publike, gjë që bëhet pengesë për dhënien dhe transmetimin e të dhënave administrative për qëllime statistikore ose për ruajtjen e konfidencialitetit të të dhënave të mbledhura vetëm për qëllime statistikore;
- Drejtoria e Përgjithshme e Shërbimeve të Transportit Rrugor e ushtron aktivitetin në mbështetje dhe në zbatim të kërkesave që burojnë nga Ligji nr. 8378, datë 22.07.1998 “Kodi Rrugor i Republikës së Shqipërisë”, i ndryshuar, VKM nr. 153, datë 04.07.2000 “Për miratimin e rregullores në zbatim të Kodit Rrugor të Republikës së Shqipërisë, si dhe të Ligjit nr. 9887, datë 10.03.2008 “Për mbrojtje të të dhënave personale”;

Si dhe duke patur parasysh që Sistemi Kombëtar Statistikor bazohet në një bashkëpunim të ngushtë mes INSTAT-it nga njëra anë dhe agjencive të tjera statistikore dhe mbajtësve të të dhënave administrative nga ana tjetër,

Insti-uti i Statistikave dhe Drejtoria e Përgjithshme e Shërbimeve të Transportit Rrugor bien dakort të nënshkruajnë Memorandumin e Mirëkuptimit si vijon:”



REPUBLIKA E SHQIPËRISË

3. Në Seksionin 1 “Mandati i Drejtorisë së Përgjithshme të Shërbimeve të Transportit Rrugor”, paragrafi (3), fjalët “sipas nenit 13 (pika (3))” zëvendësohen me fjalët “sipas nenit 33, pika 1”.

4. Në Seksionin 4 “Udhëzimet për standardet profesionale”, paragrafi (1) ndryshohet si më poshtë:

“(1) INSTAT detyrohet të vendosë në statistikat zyrtare të gjitha përkufizimet statistikore, klasifikimet dhe nomenklaturat, në përputhje me konceptet dhe klasifikimet ndërkombëtare, aty ku është e mundur (Neni 14, pika 2 (e) e ligjit të statistikave).”

5. Në Seksionin 5 “E drejta e hyrjes dhe shkëmbimi i të dhënave”, paragrafi (7) “Nenin 15” zëvendësohet me “Nenin 31”;

6. Në Seksionin 6 “Sigurimi i zbatimit të përshtatshëm të Programit” bëhen këto ndryshime:

a. Në paragrafin (2), fjalët “Këshillit të Statistikave” zëvendësohen me fjalën “Kuvendit”

b. Paragrafi (3) hiqet.

c. Në fund të paragrafit (5) shtohet shkronja “ç”) me këtë përmbajtje:

“ç) DPSHTRR njofton dhe merr mendim paraprakisht nga INSTAT-i për çdo akt ligjor ose nënligjor i cili i propozohet për miratim Kuvendit ose Këshillit të Ministrave dhe që mund të ndikojë në mënyrë të drejtpërdrejtë ose të tërthortë në aktivitetet statistikore që kryhen në Republikën e Shqipërisë.”

7. Ndryshimet e parashikuara në këtë Marrëveshje për ndryshimin e Memorandumit të Mirëkuptimit hyjnë në fuqi menjëherë pas nënshkrimit të palëve.

PËR  
DREJTORINË E PËRGJITHSHME TË  
SHËRBIMEVE TË TRANSPORTIT  
RRUGOR

BLENDI GONXHALLA

DREJTOR I PËRGJITHSHËM

Data e nënshkrimit

17.12.2019

PËR  
INSTITUTIN E STATISTIKAVE

ELSA DHULI

ZËVENDËSKRYETAR I BORDIT  
DREJTUES

Data e nënshkrimit

11/12/2019

